



ადგილობრივ დამკვირვებელ ორგანიზაციათა ურთიერთთანამშრომლობის მემორანდუმი

2020 წლის საქართველოს პარლამენტისა და აჭარის ავტონომიური
რესპუბლიკის უმაღლესი საბჭოს არჩევნებისათვის

პრემიუმი

სახელმწიფოს სუვერენიტეტი განისაზღვრება ნამდვილი დემოკრატიული არჩევნებით, რომელიც წარმოადგენს პირთა უფლებას, ნების გამოხატვით უზრუნველყონ ხელისუფლების უფლებამოსილება და ლეგიტიმურობა. მოქალაქის უფლება – ხმა მისცეს და იქნეს არჩეული პერიოდული და ნამდვილი არჩევნების მეშვეობით, ეროვნული კანონმდებლობითა და საერთაშორისოდ აღიარებული ადამიანის უფლებებია. ნამდვილი დემოკრატიული არჩევნები პოლიტიკურ ძალთა კონკურენციის მშვიდობიანი გადაწყვეტის მექანიზმია, რომელიც უზრუნველყოფს ქვეყანაში მშვიდობისა და სტაბილურობის შენარჩუნებას.

დემოკრატიული არჩევნების გამოხატულებას წარმოადგენს არჩევნებზე დაკვირვება, რომელიც დემოკრატიული განვითარების განვითარების ნაწილია და გულისმობს ადამიანის უფლებების პატივისცემასა და კანონის უზენაესობის დაცვას.

ადგილობრივი დამკვირვებელი ორგანიზაციები, რომლებიც აძლიერებენ საარჩევნო პროცესებს, აღიარებენ და ითვალისწინებენ არჩევნების საერთაშორისო სტანდარტებსა და ეროვნულ კანონმდებლობას,

მათ შორის, 1948 წლის „ადამიანის უფლებათა საყოველთაო დეკლარაციას“, 1966 წლის საერთაშორისო პაქტს „სამოქალაქო და პოლიტიკური უფლებების შესახებ“, ადამიანის უფლებათა კომიტეტის 25-ე მუხლის 8თვედ კომენტარს, საერთაშორისო კონვენციას „რასობრივი დისკრიმინაციის ყველა ფორმის აღმოფხვრის შესახებ“, საერთაშორისო კონვენციას „ქალთა დისკრიმინაციის ყველა ფორმის აღმოფხვრის შესახებ“, საერთაშორისო კონვენციას „შეზღუდული შესაძლებლობის მქონე პირთა უფლებების შესახებ“, გაეროს კონვენციას „კორუფციის წინააღმდეგ“, 1950 წლის „ადამიანის უფლებებისა და ძირითადი თავისუფლებების“ ევროპულ კონვენციას და 1952 წლის პირველ დამატებით ოქმს, 1995 წლის ევროპული საბჭოს ჩარჩო კონვენციას „ეროვნული უმცირესობათა დაცვის შესახებ“, 1990 წლის კოპენჰაგენის შეხვედრის „ადამიანური განზომილების“ კონფერენციის დოკუმენტს, 1990 წლის პარიზის ქარტიას – ახალი ევროპისათვის, 1991 წლის მოსკოვის შეხვედრის „ადამიანური განზომილების“ კონფერენციის დოკუმენტს, 1999 წლის სტამბულის სამიტის დეკლარაციას, საქართველოს კონსტიტუციას, საქართველოს ორგანულ კანონს „საქართველოს საარჩევნო კოდექსა“ და სხვა სამართლებრივ აქტებს,

და თანხმდებიან შემდეგზე:

განახორციელონ ერთობლივი სადამკვირვებლო მისია 2020 წლის საქართველოს პარლამენტისა და აჭარის ავტონომიური რესპუბლიკის უმაღლესი საბჭოს არჩევნებისათვის სამართლიანი, მიუკერძოებელი, კანონისმიერი, მშვიდი საარჩევნო გარემოსა და გამჭვირვალე არჩევნების უზრუნველყოფის მიზნით ქვემოთ მოცემულ დებულებებს ბზე შეთანხმებისა და ხელმოწერის საფუძველზე.

მუხლი 1.

სახელმწიფო სუვერენიტეტის, ეროვნული კანონმდებლობისა და საერთაშორისო სამართლებრივი აქტების პატივისცემა და დაცვა
ხელისუფლების ლეგიტიმაციას უზრუნველყოფს არჩევნები, რომელიც წარმოადგენს მოქალაქეთა უფლებასა და სახელწიფოს სუვერენიტეტის გამოხატულებას, რომელთა დაცვა და პატივისცემა გარანტირებულია ეროვნული კანონმდებლობითა და საერთაშორისო სამართლებრივი აქტებით, ხოლო ადგილობრივი დამკვირვებლები ვალდებული არიან იმოქმედონ საქართველოს ეროვნული კანონმდებლობითა და საერთაშორისოდ აღიარებული სტანდარტების შესაბამისად და არ გასცდნენ დადგენილ ქცევის წესებს.

მუხლი 2.

ერთობლივი სადამკვირვებლო მისია

წინამდებარე ურთიერთთანამშრომლობის მემორანდუმის საფუძველზე ადგილობრივი დამკვირვებელი ორგანიზაციები, რომლებსაც გააჩნიათ საკუთარი სადამკვირვებლო მეთოდოლოგია და მისია, საქართველოს 2020 წლის პარლამენტისა და აჭარის ავტონომიური რესპუბლიკის უმაღლესი საბჭოს არჩევნებისათვის ახორციელებენ ერთობლივ სადამკვირვებლო მისიას, შეთანხმებული მეთოდოლოგიისა და ანგარიშგების საფუძველზე. მისიის ფარგლებში ხელმძღვანელ პირად/პირებად იგულისხმებიან მონაწილე ორგანიზაციების ხელმძღვანელები.

მუხლი 3.

ერთობლივი სადამკვირვებლო მისიის პატივისცემა

დამკვირვებლებმა პატივი უნდა სცენ ერთობლივ სადამკვირვებლო მისიის კონცეფციას და უზრუნველყონ მისი დაცვა, რომელიც გულისხმობს წინამდებარე ურთიერთშეთანხმების მემორანდუმის საფუძველზე განსაზღვრულ ნებისმიერ წერილობითი და ზეპირი შეთანხმების შესრულებას, დამკვირვებელთა მიერ საარჩევნო კანონმდებლობის დეტალურად ცოდნას, აქტიურად მონაწილეობასა და დასწრებას საარჩევნო პროცესებთან დაკავშირებულ ღონისძიებებზე, დამკვირვებლის მანდატის ფარგლებში არჩევნების დანიშვნიდან საბოლოო შედეგების გამოცხადებამდე საარჩევნო პროცესებზე დაკავირვებასა და საჭიროების შემთხვევაში ხელმძღვანელთან შეთანხმების საფუძველზე რეაგირებას, სადამკვირვებლო მისიის მეთოდოლოგიის შესაბამისად შუალედური და საბოლოო ანგარიშების მომზადებაში მონაწილებას და მის საჭაროდ გავრცელების უზრუნველყოფას. დამკვირვებელთა მიერ მისიის განხორციელებისა ინტერესთა კონფლიქტის არსებობისას/წარმოშობისას მყისიერ რეაგირებას. დამკვირვებელთა მიერ მოწესრიგებულობისა და პროფესიონალიზმის დაცვას სადამკვირვებლო მისიის დაუბრკოლებლად განსახორციელებლად. დამკვირვებლები ვალდებული არიან საქმიანობა განახორციელონ ღირსებითა და სათანადო თავაზიანობით.

მუხლი 4.

დამკვირვებელთა ეთიკის კოდექსი

დამკვირვებლები ერთობლივი სადამკვირვებლო მისიის ფარგლებში დაადგენენ დამკვირვებელთა ქცევის წესებს, რომელთა მიზანია დაკავირვებელთა ეთიკის ნორმებისადმი ერთგულება, მაღალი ზნეობრიობის განმტკიცება და სამსახურებრივი პასუხისმგებლობის გრძნობის ამაღლება მისიის დამოუკიდებლობის, მიუკერძოებლობისა და ერთიანობის უზრუნველსაყოფად.

მუხლი 5.

მიუკერძოებლობის, ობიექტურობის, თანმიმდევრულობისა და გამჭვირვალობის დაცვა დამკვირვებლებმა უნდა უზრუნველყონ მკაცრი პოლიტიკური მიუკერძოებლობა, მათი ხედვები, ქმედებები და შეფასებები უნდა იყოს პოლიტიკურად ნეიტრალური, ამასთან, დაკვირვება უნდა ეფუძნებოდეს თანმიმდევრულად, დეტალურად და ობიექტურად მოპოვებულ ინფორმაციას, რომელიც პროცესების გამჭვირვალობისათვის გასაჭაროვდება მისიის მეთოდოლოგიის შესაბამისად. დამკვირვებლებმა და მისიის ხელმძღვანელებმა საჭარო განცხადებებისა და მასმედიასთან ურთიერთობისას თავი უნდა შეივარონ ინფორმაციის გაცემისაგან გარდა წინასწარი ურთიერთშეთანხმებისა.

მუხლი 6.

საარჩევნო პროცესებში ჩაურევლობა

დამკვირვებლებმა უნდა დაიცვან საარჩევნო პროცესებში ჩაურევლობის პრინციპი და მათი ქმედებები არ უნდა იწვევდეს ეროვნული კანონმდებლობითა და საერთაშორისო აქტებით განსაზღვრული რეგულაციების დარღვევას.

მუხლი 7.

დამკვირვებლებთან ურთიერთობა

დამკვირვებლებმა თანაბრად უნდა წარმართონ კომუნიკაცია, ურთიერთობა და თანამშრომლობა არჩევნებში ჩართულ ყველა მხარესთან, მათ შორის, ადგილობრივ თუ საერთაშორისო დამკვირვებლებთან. ადგილობრივმა დამკვირვებლებმა უნდა უზრუნველყონ საერთაშორისო დამკვირვებელთა ინფორმირება საარჩევნო პროცესების თაობაზე ხელმძღვანელთან შეთანხმების, ანგარიშებისა და მოკლე საინფორმაციო შეტყობინებების საფუძველზე.

მუხლი 8.

დასკვნითი დებულება

წინამდებარე ურთიერთშეთანხმების მემორანდუმი ძალაშია ხელმოწერის მომენტიდან არჩევნების საბოლოო შედეგების გამოცხადებისა და საბოლოო ანგარიშის მომზადებამდე. ხელმოწერი ორგანიზაციების ხელმძღვანელები ვალდებული არიან უზრუნველყონ დამკვირვებელთა მხრიდან მემორანდუმით განსაზღვრული წესების დაცვა.

წინამდებარე მემორანდუმი მომზადდა ქართულ ენაზე საქართველოში, ქალაქ თბილისში, 2020 წლის 29 აგვისტოსათვის.

მემორანდუმზე ხელმოწერის შემდგომ აკრძალულია რაიმე დათქმის გავეთება, თუმცა დასაშვებია მხარეთა შეთანხმების საფუძველზე მემორანდუმში დამატებებისა და ცვლილებების შეტანა. მხარეები უფლებამოსილი არიან მემორანდუმის ეფექტურად განხორციელებისათვის წერილობით განსაზღვრონ სამოქმედო გეგმები და სტრატეგიები.

ქვემოთ ხელმომწერი მხარეები, ადგილობრივი დამკვირვებელი ორგანიზაციების ხელმძღვანელები წინამდებარე მემორანდუმზე ხელმოწერით ადასტურებენ ტექსტის საბოლოობაზე თანხმობას, მემორანდუმით განსაზღვრული უფლებებისა და ვალდებულებების ამოქმედებასა და მათი შესრულების აუცილებლობას.

ხელმოწერის თარიღი: 29.08.2020

ორგანიზაცია იმპერატორის ხელმძღვანელი

ხელმომწერი:



ა(ა)იპ „ინსტიტუციური განვითარებისა
და მონიტორინგის ცენტრი“

მიხეილ ჭილაძე



ა(ა)იპ „დემოკრატიული
ცვლილებების ცენტრი“

დავით ჩიხელიძე



ა(ა)იპ „რეგიონული განვითარების
და ხელშეწყობის ცენტრი“

ლადო ხუმარაშვილი



ა(ა)იპ „დემოკრატიული განვითარების
ახალგაზრდული ცენტრი“

გოლერძი მაისურაძე



ა(ა)იპ „ახალგაზრდული ცენტრი
ჩვენი თაობა 1921“

ლევან ალულიშვილი



ა(ა)იპ „დემოკრატიული ინიციატივათა
საერთაშორისო ცენტრი“

მარი კაპანაძე



ა(ა)იპ „ახალგაზრდული უმაღლესი საბჭო“

გიგა ფართენაძე